

Ո Ր Ո Շ ՈՒ Մ թիվ 111
Վարչական տույժ նշանակելու մասին

«30» ապրիլի 2021թ.

ք.Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Այուր Թաթարփուր Մամադանիի վերաբերյալ նյութերը.

Պ Ա Ր Զ Ե Ց Ի՝

2021 թվականի ապրիլի 5-ին ՀՀ ՊԵԿ ՀՄՎ Մեղրիի մաքսային կետ-բաժնի մաքսային հսկողության գոտում զննման է ենթարկվել ԻԻՀ-ից ՀՀ ժամանած Այուր Թաթարփուր Մամադանիի կողմից շահագործվող «MERCEDES» մակնիշի, «24E394-10» հաշվառման համարանիշի բեռնատար ավտոմեքենան և զննման արդյունքում բեռնատարի սրահի խցիկի տակի բաքի կողային հատվածից, ինչպես նաև բեռնատարի կմախքում հայտնաբերվել է մաքսային հսկողությունից թաքցրած 110 լիտր դիզելային վառելիք:

Փաստի առթիվ Այուր Թաթարփուր Մամադանիի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ 110 լիտր դիզելային վառելիքը՝ որպես իրավախախտման անմիջական օբյեկտ, վերցվել է:

Վարչական վարույթի ընթացքում 09.04.2021թ. գրությամբ հարցում է կատարվել ՀՀ ՊԵԿ Հարավային մաքսատուն-վարչություն ճշտելու 110 լիտր դիզելային վառելիքի մաքսային արժեքը և վճարման ենթակա մաքսային վճարների չափը:

ՀՀ ՊԵԿ Հարավային մաքսատուն-վարչության 12.04.2021թ. գրության համաձայն՝ 2021 թվականի ապրիլի 5-ի դրությամբ <<բացթողում ներքին սպառման համար>> մաքսային ընթացակարգով վերոնշյալ քանակներով 110 լիտր դիզելային վառելիքը ձևակերպելու դեպքում մաքսային արժեքը կկազմեր 23460 ՀՀ դրամ, մաքսային վճարները՝ 7982 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ

և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ, չներկայանալու դեպքում կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Այուր Թաթարփուր Մամադանին 2021 թվականի ապրիլի 30-ին հրավիրվել է ՀՀ ՊԵԿ հրավաքանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Այսպիսով, նյութերով պարզվել է, որ 2021 թվականի ապրիլի 5-ին Այուր Թաթարփուր Մամադանին, մաքսային հսկողությունից թաքցնելով՝ մասնավորապես հայտնաբերումը դժվարացնող եղանակով, բեռնատարի սրահի խցիկի տակից բաքի կողային հատվածում, ինչպես նաև բեռնատարի կմախքում թաքցրած, ՀՀ մաքսային սահմանով տեղափոխել է 23460 ՀՀ դրամ մաքսային արժեքով 110 լիտր դիզելային վառելիք, այսինքն՝ թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, 05.04.2021թ-ի մաքսային զննման (տեսազննման) ակտով, ՀՀ ՊԵԿ Հարավային մաքսատուն-վարչություն 12.04.2021թ. գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206 և 221, 224 հոդվածներով,

Ո Ր Ո Շ Ե Ց Ի

1. Այուր Թաթարփուր Մամադանիին (ծնված՝ 10.07.1981թ., ԻԻՀ, Թավրիզ, ք.էլ Խաչի, Էրամի փ տուն 100, անձնագրի համարը K41828396) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել ՀՀ մաքսային սահմանով թաքցնելով տեղափոխված 110 լիտր դիզելային վառելիքի մաքսային արժեքի չափով՝ 23460 ՀՀ դրամ:

/վճարումը՝ 900005024055 հաշվեհամարին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵԱՏՄ Մաքսային օրենսգրքի 98-րդ հոդվածի 4-րդ մասի համաձայն որոշումն ուժի մեջ մտնելու օրվան հաջորդող օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Այուր Թաթարփուր Մամադանիին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ